

VICTOR MATHILDA ELIGI PRESIDENTE DI APLA


ORANJESTAD(AAN)- Recientemente a tuma lugar na Aruba un dia di estudio organisa pa Asociacion Biblioteca Publico Antiyano APLA. E dia di estudio tabata combina cu e reunion anual di APLA durante cual a eligi un directiva nobo.

Como presidente a keda eligi señor Victor Mathilda di Aruba, secretaria ta Belkys Flores di Aruba, tesorero ta Julian Pers di

Aruba.

Comisaronan ta Betty Goeloe (Aruba), Johaila Sint Jago (Bonaire), Joyce Plaaate (Curacao), Joanna Simmons (Saba), Angelica Leslie (Sint Eustatius) y Ingrid Brand (Sint Maarten).

Topiconan cu a worde trata durante e reunion di APLA tabata entre otro cambio di Statuut, tayer di estudio 1991,



capacitacion y recapacitacion di personal di Biblioteca.

E cambio principal den Statuut ta encera cu personal trahando den un biblioteca manera describi den e reglamento

domestico, por bira miembro di APLA.

E reunion general a dicidi cu e tayer di estudio cu lo tin un duracion di dos dia lo tuma lugar otro aña na Bonaire y e tema lo ta "Bibliotheek

Gebruikersvriendelijk".

Pa loke ta trata capacitacion y recapacitacion a keda dicidi cu

na October veniderpo lo habri inscripcion pa e curso basico pa personal di Biblioteca.